

From: UUM CORPORATE COMM.
Sent: Wednesday, September 4, 2019 8:03 AM
To: UUM - All Staff; UUM - All Students
Subject: Pertemuan Bersama Menteri Luar Beri Peluang Kepada IPDM Untuk Bergerak Di Peringkat Antarabangsa



UUM Corporate Comm.
Universiti Utara Malaysia

04 SEPTEMBER 2019 / 04 MUHARAM 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: IPDM

PERTEMUAN BERSAMA MENTERI LUAR BERI PELUANG KEPADA IPDM UNTUK BERGERAK DI PERINGKAT ANTARABANGSA



UUM ONLINE: Putrajaya – Pertemuan antara Naib Canselor, Prof. Dato' Dr. Ahmad Bashawir Abdul Ghani dengan Menteri Luar Negeri, Dato' Saifuddin Abdullah telah membuka ruang dan peluang kepada UUM khususnya Institut Pemikiran Tun Dr. Mahathir Mohamad (IPDM) untuk bergerak aktif di peringkat antarabangsa.

Pertemuan yang berlangsung di Wisma Putra, baru-baru ini adalah bagi mendapatkan input dan pandangan pelaksanaan program berimpak tinggi oleh IPDM, selain menyatakan hasrat untuk bekerjasama dengan Kementerian Luar Negeri.

Naib Canselor berkata, IPDM diminta untuk mengambil inisiatif bagi menganjurkan program 'Langkawi International Forum 2020' dengan bertemakan *Industry for The Future*.

Bagaimanapun, menurutnya, UUM dan IPDM harus mengenal pasti strategi yang mampu menarik lebih banyak penglibatan peserta khususnya dari sektor swasta dan pemain industri utama dunia seperti Korea, Jepun dan China.

"Melalui program ini, skop perbincangan akan lebih memberikan tumpuan kepada aspek pengurusan teknologi dan pemilihan tema pelaksanaan program berdasarkan bidang tujuhan yang dikenal pasti.

“Program yang diadakan itu akan dapat memberikan input kepada pembuatan keputusan dan pelaksanaan polisi serta dasar negara. Ia juga tidak hanya tertumpu dalam bidang ekonomi, politik dan sosial dalaman, malah akan diperluaskan ke peringkat antarabangsa yang mana secara tidak langsung akan memberikan impak kepada IPDM di dalam menjadi sebuah institusi yang berperanan penting kepada negara, di samping rujukan pemikiran pada peringkat antarabangsa,” katanya.

Sementara itu, Pengarah IPDM, Prof. Dr. Zakaria Abas berkata, perbincangan antara UUM dan Kementerian Luar Negeri itu memberikan input positif kepada IPDM ke arah menjadi sebuah institusi yang berperanan penting mengenal pasti isu-isu yang boleh diguna untuk dibincangkan serta diperhalusi untuk kepentingan bersama.

Dalam pertemuan itu juga, Dato’ Saifuddin berharap kepakaran dalam kalangan *International Advisory Panel* (IAP) dapat digunakan dalam forum tersebut bagi mendapatkan idea dan pandangan mereka sebagai panduan dan rujukan dalam memperkasa pembangunan ekonomi negara.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.